


DECEMBER 2019

# AQUANEGOSYO

**KOMIKS**



## PAG-AALAGA NG BANGUS SA KULUNGANG LAMBAT



MALAPIT NG MATAPOS ANG KONTRATA NI ERNESTO SA SAUDI.

MAHAL, KUMUSTA D'YAN? ULWI NA AKO NEXT MONTH AT HINDI NA AKO BABALIK DITO! DYAN NA AKO SA ATIN!

AT SA NALALAPIT NA NGANG PANAHON NG KANYANG PAG-UWI AY WALA SIYANG PAGSIDLAN NG TUWA HABANG KAUSAP ANG KABIYAK NIYANG SI CARMEN.

MABUTI PA NGA MAHAL! MALALAKI NA NAMAN ANG MGA BATA, AT KAYA NA NATING ITAGUYOD ANG PAMILYA NATIN DITO.

MARAMING TAON KA NA RIN NAMAN NA NAGHAHANAPBUHAY DYAN! MAGNEGOSYO NA LANG TAYO DITO!

OO NGA MAHAL! ANO BA ANG MAGANDANG NEGOSYO NA AKMA SA ATIN?

KUNG AKO ANG TATANUNGIN MO, MAG-ALAGA TAYO NG BANGUS!






MALAPIT LANG KASI ANG BAHAY NATIN SA DAGAT, MAGANDA ANG PRESYO NG BANGUS SA MARKET AT MADALING ALAGAAN.

MUKHANG MAGANDA NGA 'YAN, MAHAL. KAHIT PAPAANO AY MAY PANG-KAPITAL NAMAN TAYONG NAIPON.

OO MAHAL! AT HABANG NANDYAN KA PA SA SAUDI AY AASIKASUHING KO NA ANG DAPAT AYUSIN DITO.


NABALITAAN KONG MAY PA-SEMINAR ANG FISHCORAL NG B FAR TUNGKOL SA PAG-AALAGA NG BANGUS NA GAGANAPIN SA MUNISIPYO NEXT WEEK! MAGPAPALISTA NA AKO KAY KAPITAN PARA SA MGA DADALO!



NGAYON PA LANG AY EXCITED NA AKO! SIGE MAHAL, TATAWAG NA LANG ULIT AKO BUKAS. MAG-IINGAT KAYO RIYAN.


IKAW DIN MAHAL. INGAT KA LAGI DYAN.






AT DAHIL ANG NAPILING NEGOSYO NG MAG-ASAWANG SI ERNESTO AT CARMEN AY ANG PAG-AALAGA NG BANGUS, ALAMIN NATIN KUNG PAANO ANG MAG-ALAGA NG MGA ITO SA KULUNGANG LAMBAT.

# PAG-AALAGA NG BANGUS SA KULUNGANG LAMBAT



ANG BANGUS AY KARANIWANG INAALAGAAN SA PALAISDAAN (TABSING O TABANG) O SA MGA LAWA.

AYON SA KASALUKUYANG PAG-AARAL, ANG BANGUS AY MAAARI NG ALAGAAN SA KARAGATAN SA PAMAMAGITAN NG PAGGAMIT NG KULUNGANG LAMBAT.



ITO AY TINATAWAG NA "CAGE CULTURE OF MILKFISH IN MARINE WATERS."



# PAGPILI NG LUGAR NA PAGLALAGYAN



ANG KULUNGANG LAMBAT AY DAPAT  
ILAGAY SA LUGAR NA TAGO AT  
WALANG POLUSYON TULAD NG MGA  
LOOK.



ANG TUBIG AY  
DAPAT MAY  
KAALATAN NA MULA  
28 HANGGANG 33  
PPT AT MAY LALIM  
NA HINDI BABABA  
SA LIMANG METRO  
KAPAG LOW TIDE.



ANG LUGAR AY  
KAILANGANG  
NARARATING NG  
SASAKYAN PARA  
SA MADALIAN AT  
MAAYOS NA  
PAGHAHAKOT O  
PAGDADALA NG  
MGA KAGAMITAN.



# PAGGAWA NG KULUNGANG LAMBAT (FLOATING CAGE)




MAAARING GUMAMIT NG KAWAYAN O G.I. PIPES NA MAY SUKAT NA 3X3X3 METERS.

HANGGANG 15X20X6 METERS.

KUNG GAGAMIT NG KAWAYAN O G.I. PIPES CAGES MANGANGAILANGAN NG PLASTIC DRUMS UPANG MAPALUTANG ANG CAGE FRAMES.


MANGANGAILANGAN DIN NG POLYETHYLENE NETS NA MAY MESH SIZE NA 12 HANGGANG 17 NA ILALAGAY SA CAGE FRAMES.

SIGURADUHING LAMANG NA ANGKOP ANG SUKAT NG MGA MESH SA LAKI NG ATING IHUHULOG NA FINGERLINGS.





LAGYAN NG PABIGAT SA BAWAT SULOK PARA MABANAT ANG LAMBAT.



## PAGBIBITAW O PAGHUHULOG NG SEMILYA

PUMILI NG MAGANDANG URI (MASISIGLA AT MALUSOG) NA SEMILYA NA MAY BIGAT NA 25-35 GRAMO O HIGIT PA.

IKONDISYON ITO AT PAKAWALAN SA KULUNGANG LAMBAT SA BILANG NA 20 PIRASO BAWAT METRO KUBIKO.



PARA MAIWASAN ANG MARAMIHANG PAGKAMATAY NG ISDA, KINAKAILANGANG GAWIN ANG PAGHUHULOG SA UMAGA (ALAS SINGKO HANGGANG ALAS SYETE) O SA BANDANG HAPON KUNG WALA NG ARAW.



# PAG-AALAGA AT PAGPAPAKAIN

ANG BANGUS BAGAMA'T KUMAKAIN NG LUMOT NA DUMIDIKIT SA LAMBAT AY KAILANGANG BIGYAN NG PAGKAIN PARA BUMILIS ANG PAGLAKI.




SA MGA UNANG BUWAN NG PAG-AALAGA, BIGYAN ANG MGA ISDA NG "CRUMBLE STARTER" APAT NA BESES SA MAGHAPON AT "JUVENILE PELLETS" NAMAN ANG IPAKAIN SA SUSUNOD NA MGA BUWAN (6 NA PORSYENTO NG BIGAT NG ISDA).

PAKAININ ANG MGA ITO SA UMAGA AT SA HAPON ARAW-ARAW.

PALAGIANG LINISIN ANG LAMBAT AT HAYUMAHIN ANG MGA SIRANG BAHAGI NITO UPANG HINDI MAKALABAS ANG MGA ALAGANG ISDA.



ALISIN ANG LAHAT NG MGA BAGAY NA NAKAKASAGABAL SA TULUYANG PAGDALOY NG TUBIG SA LOOB AT LABAS NG KULUNGANG LAMBAT.





# PAG-AANI AT PAGBIBILI




MAAARI NANG ANIHIN ANG ISDA PAGKALIPAS NG APAT HANGGANG LIMANG BUWAN NG PAG-AALAGA AT TUMITIMBANG NG 250-275 GRAMO ANG BAWA'T ISA.



PAGARALAN DIN ANG GALAW NG PRESYO SA MERKADO UPANG MALAMAN ANG PINAKAMAINAM NA PANAHOON NG PAGBEBENTA.

MAGHARVEST SA UMAGA O SA GABI.

IANGAT ANG LAMBAT AT TIPUNIN ANG MGA BANGLUS SA ISANG GILID.



SALUKIN ANG MGA BANGLUS GAMIT ANG SCOOP NET.



# PUHUNAN AT KITA

ISANG BAMBOO CAGE NA MAY LAMANG 15 LIBONG  
PIRASONG BANGUS

PAGPAPAGAWA NG ISANG BAMBOO CAGE

80, 000 PESOS

OPERATIONAL COST

461, 000 PESOS

O PAUNANG KAPITAL

541, 000 PESOS





# PUHUNAN AT KITA

PAGKATAPOS NG LIMA HANGGANG ANIM NA BUWAN, MAAARI NG MAKAAANI NG ANIM NA TONELADANG BANGUS SA 80% SURVIVAL RATE NA MAY BIGAT NA 400 GRAMS KADA PIRASO.

KLUNG MAIBEBENTA ANG BANGUS NG 115 PESOS KADA KILO, MAAARING KUMITA NG GROSS SALES:

**590, 000 PESOS**

KLUNG MAKAKAPAG-ALAGA NG DALAWANG BESES ISANG TAON, MAAARING KUMITA NG GROSS SALES NA:

**1, 380, 000 PESOS**







FISHERIES, COASTAL RESOURCES AND LIVELIHOOD PROJECT  
PCA BUILDING ELLIPTICAL ROAD, DILIMAN QUEZON CITY  
<http://fishcoralproject.bfar.da.gov.ph>